

nitur Christus. Bibliis 1545.

Censura, Hæc annotatio hæretica est,
& non est ad intelligentiam textus.

An cum textu quadret annotatio, iudicium
relinquo lectoribus. Si autem non sola gratia
inuenitur Christus, aliā nobis viā demonstrent
cēsores. Vniuersale est profecto quod Dominus
per Esaiā dicit, Inuentus sum à nō quærentibus
me: palam apparui ijs qui de me nō interroga-
bant. cap. 65. a.1. De Christo clamat Paulus,
Apparuit benignitas & humanitas Dei salua-
toris nostri, non ex operibus iniustiæ quæ feci-
mus nos &c. Tit. 3.b.4. Quanquam ad por-
tentum hoc obstupeo, fidei magistris, ut haberi
volunt, hæreticū esse illud Pauli, Gratia nos sal-
uatos esse per fidem, Ephes. 2.b.8. Restat ergo
ut in ipsis quoque impleatur quod de Israele
alibi idem Apostolus docet, Quod Israel quæ-
rebat, non est cōsecutus. Quare? quia ex operi-
bus, non ex fide, Rom. 9.g.32, & 11.a.7.

Psal. 49.c.15.

Artic. 26.

Vt absumateam infernus tralatam de
habitaculo suo. Annotatio, q. d, Et ani-
ma & corpus interibunt.